

Ukukakula No Kukaka – Ulufungulo ku Bufuma bwakwa Lesa

Mateo 18:18, “Nde mweba icine cine, nati fyonse ifyo mukaka pano isonde fikaba ifyakakwa na mu mulu: na fyonse ifyo mukakakulula pano isonde fikaba ifyakakululwa na mu mulu.”

Yesu, ilyo baishile ika pa lupili, Ena alesosa, “Bushe abantu batila Ine Umwana wa muntu nani?” (Mateo 16:13-20). Abasambi batile: “Bamo batila Nimwe Eliya; bamo batila Nimwe umo uwa bakasesema, kabili bamo batila Nimwe ifi, filya.” Ena atile, “Lelo imwe mutila nani? Petro atile, “Nimwe Kristu, Umwana wakwa Lesa uwa mweo.”

Moneni. “Walishuka, Simoni Bar-yona (umwana wakwa Yona); umubili no mulopa tafyasokolwele ici kuli iwe, kano Tata uuli mu mulu na sokolola ici kuli iwe. Iwe tawatalile kwatapo seminary; iwe tawatala kwatapo amasambililo; iwe tawatala kwatapo ukusambilila kwa masambililo ya fya bulesa, lelo Tata nasokolola ici kuli iwe. **Kabili na pali ici cilibwe (ukusokolola kwakwa Yesu Kristu)...** *Na pali ici cilibwe, e po nkakula ulukuta Lwandi, ne mpongolo sha kumbo tashakalwanshe. Kabili ico wakaka pano isonde cikabe cikakwa mu mulu, ne co wakakula pano isonde cikaba icakakulwa mu mulu.”* (Mateo 16:19). [1]

Ulukuta Iwa Katolika lutila ukuti ena ali icilibwe, umuntu uwafye, Simoni Petro. Nga cilya cili ifyo, calibwelele numa inshiku ishinono ishakonkelepo (Mateo 26:69-75). Cilya tacali efyo. [2] Lyena ba Protestant batila cali ni pa Mwine Ena akulile ulukuta, pali Yesu Kristu, Icilibwe. Bonse baliluba. [3] Te ku

kuba uwapusana, Ielo Ena akulile lwena pa busokololo bwa kwa Simoni Petro pa fyo Wene Ali. ^[4] **Cali ubusokololo bwa bumupashi palwa Wene ifyo Ena Ali, ukutula Ena ali ni Kristu. Ulukuta Iwa kulwa pa kulumbula kwa busokololo ukufuma ku Cebo cakwa Lesa – kabili Ena Cebo cakwa Lesa. Lwena lwakulwa pa ca bumupashi, Icline icasokololwa.**

Kabili Yesu asosele Iyena: “Kabili ndetila niwe Petro, kabili nkapela kuli iwe imfungulo sha Bufumu, kabili icili conse...**pa mulandu naukwata akashila akaisuka ka bumupashi pakati ka pano na ku mulu...** Umubili no mulopa tafisokolwele ici kuli iwe; **Ielo wacishintilila pali Lesa, kabili Lesa nasokolwela cena kuli iwe;** kabili cena mucine Malembo ayali palwalala ayo ayakakwa pamo. Ndetila niwe Petro. Kabili Ndi no kupela kuli iwe imfungulo; kabili ico ukakaka pe sonde, nka cikaka mu mulu; ifyo ukakakulula pe sonde, Nkakakulula cena mu mulu.” ^[1] Cilya e busokololo ubwa Bulesa ubwa Cebo ukulengwa umubili. Cena cali mu mubili bulya bushiku mu Mwana, Shibwinga, cena cili mu mubili ilelo muli Nabwinga. ^[5] “Fyonse ifyo mukakakulula pano isonde, Nkakakulula fyena mu mulu. Kabili Nkapela kuli imwe imfungulo sha Bufumu bwa mu Mulu.” **Ni finshi Ubufumu bwa mulu? Mupashi wa Mushilo.** Baibele itila, “Ubufumu bwa kwa Lesa buli muli imwe” (*Luka 17:20-21*).

Nomba, Ena atile, “Bamo abeminine pano tabakasonde imfwa mpaka bakamone Ubufumu bwakwa Lesa ukwisa mu muka” (*Mateo 16:28; Marko 9:1*). Inshiku fye ishinono mpaka Pentecost. Mwamona?

Nomba, Lolekesheni ifyo cali icilubo ico bapangile, ukuya kunge no kulekelela imembu kabili na fimbipo nga filya, ifyo caba icilubo. Lekeneni tumone. Bena

babikile imfungulo pali wene. Nomba, Ena atontele icinso cakwe ukutontafye ku Yerusalemu. Yesu alitanikwe, alifwile, abukile ubushiku ubwalenga butatu, ali pesonde inshiku amakumi yane pakati ka bantu, aninine ukuya mu mulu, abebele ukulolela mpaka bena bakamone Ubufumu bwakwa Lesa ukwisa pali bene; pali iyi nshita Tata **akabwesha Ubufumu mu musango bwa bumupashi kuli bena**. Bena baile kulya ku musumba wa Yerusalemu kabili balolele kulya inshiku ikumi akasuba no bushiku (*Luka 24:48-53*). Kabili mu kupumikisha fye, ulubatisho lwa Mupashi wa Mushilo (Ubufumu bwa kwa Lesa) bwaishile na maka pali bena (*Imilimo ya Batumwa 1:8*). Bushe cilya cishinka?

Nomba, moneni. Petro, ushasambilila, ena tekuti alembe ne shina lyakwe aiminine pa kabokoshi akanono akasopo atemwa icintu cimo no kutendeka ukushimikila (*Imilimo ya Batumwa 2:14-36; Yoele 2:28-32*). [6]

Nomba, tulesanga ukutula pano lyena, ukutula inshila iyalungama, kabili inshila iya cine, kabili inshila fye yeka iyo iyatalile ukulashikwa...kabili Petro alikwete imfungulo, kabili pa bushiku ilyo ashimikile, batile...**Petro alikwete imfungulo kabili alikwete ulupaka**, nga teifyo Yesu alibepile. Kabili cena teti cicitwe kuli Wene ukubepa: “*Ukuti ifintu fibili ifishingaluka, cena cintu cishingacitwa kuli Lesa ukubepa*” (*Abahebere 6:18*). Ena alikwete imfungulo. Yesu ali mupele imfungulo. Ilyo Ena abukile ubushiku ubwalenga butatu nga filya, Ena alikwete imfungulo sha mfwa na kumbo (*Ukusokolola 1:18*), Lelo te mfungulo ku Bufumu. Petro alikwete shena. Cishinka nganshi.

Kabili nomba moneni, Petro, iwe naukwata imfungulo shilelebela kulubali lobe, kabili iwe

uleshimikila. Ilipusho lileisa, aba pilibulwa abakubalilapo aba lukuta ulupya, Ulukuta ulwa kubalilapo ulwa Bwinakristu...

Mwe bantu na ba munyina, kuti twacita shani ukuti tupusushiwe?

Nomba, Katolika, nomba Baptist, Methodist, Presbyterian, bushe muli pe sambililo ilipya lya lukuta? Musange nga e fyo muli. [1]

Owe, cenjela, Petro; naukwata imfungulo ukulebela nomba. U kwa kubalilapo ukubila kwa Mbila nsuma...

Yesu, inshiku ishinono panuma ya cilya, ilyo talatanikwa, atile, “Petro, nkakupela imfungulo. Conse ico ukakaka, Nkacikaka; **conse ico ukakakulula, Ine nkacikakulula. Nomba, conse ico mukacita, nka cisuminisha mu mulu.**” Pa mulandu Ena na mupela ulu lupaka. Nga Ena muntu wa cebo Cakwe, Ena akasunga Icebo Cakwe. [6]

Ena alitupela imfungulo ukusosa “Conse ico mukakaka pe sonde...Ulya e bwa bufyashi bwa bufumu bwa kwa Abrahamu nge fyo calaiwa, **Mupashi wa Mushilo muli ifwe nomba, ne mfungulo ukwikatilila ku malwele.** Ena acimfishe amalwele. Amalwele teti yemine mu mulola Wakwe, kabili Ena atile ukuti Ena atupele imfungulo ukucita icintu cimo cine-ukucimfya amalwele. “Conse ico mukakaka pe sonde, Nkacikaka mu mulu.” [7]

Kabili pano Petro naiminina pano; Mupashi wa Mushilo waliwile pa nshita Yakwe yakubalilapo, kabili Petro bali mwipwishe, “Kuti twacita shani ukuti tupusuke?”

Moneni, iwe uleingisha ulufungulo mu Bufumu pa nshita₄ ya kubalilapo. Yesu ali kwebele inshiku ishinono ishapitapo (cali inshiku ikumi ishapitapo),

atile, “Kabiyeni mukalebatisha abantu mwi Shina lyakwa Tata, Mwana, na Mupashi wa Mushilo.” Ni cinshi uli no kucita? Lelo Ena alikupela imfungulo **pa mulandu walikwete ubusokololo bwa bu mupashi.** “Pantu ulukuta Lwandi lukakulwa, kabili impongolo sha kumbo tekuti shilyanshe.”

Kabili mulasenda ifisumino fyenu ne fishilano, kabili conse ico mulefwaya, lelo fikafilwa ububi nganshi (cali citwa.), **lelo amaka yakwa Lesa uwa mweo yakatwalilila ukubapo mpaka mu muyayaya.** Nge myengelele ya radium, lwena lulatwalila ukulaya ukwabula impela.

Petro, iwe walikwata imfungulo. Conse ico ulecita pano, Lesa alingile ukusuminisha cena mu mulu. Bushe cilya cishinka? “Ni cinshi ulesosa, Petro? Ni cinshi ico twingacita ukuti tupusushiwe.”

Petro atile...Mwiya no kusosa “Nakucelela Maria.” Takwaba icintu ca musango ifi, ukucita novena. Mwikesa no kuposhanya mu minwe no kubika ishina lyenu pe buku lya lukuta no kuleka bena ukusanshila amenshi ayanono pali imwe. Takuli icintu ca musango filya, cilya cishilano ca ba Katolika ico ulukuta lwa Protestant lulefukaminako.

Ena tasosesele “Imwe bonse kabiyeni...Kabili nomba, Yesu alinjebele inshiku ishinono ishapitapo, kuli imwe bonse ukuya no ku batishiwa mwi shina lyakwa Tata, Mwana, na Mupashi wa Mushilo.” **Te muntu uyo uwakwete ubusokolo bwa bumupashi, teti asose cilya.** Ena atile, ***“Lapileni, cila umo wa muli imwe, no kubatishiwa mwi Shina lyakwa Yesu Kristu kulekelelwa kwa membu shenu, kabili mukapokelela icabupe Mupashi wa Mushilo. Pantu ubulayo buli kuli imwe, kabili na kubana benu, kabili na kul’abo abali ukutali, kabili na bonse abo Shikulu***

Lesu wesu aketa” (Imilimo ya Batumwa 2:37-41). Cilya e co. Imfungulo shilebomfiwa pano nge fyo Kristu enga shibomfya ku mulu. Lyena ulufungulo lwa liingile, kabili lwali komene; **lwa likomene ku mulu.** [6]

Imfungulo shalicitile “kiliki” pano, kabili shacitile “kiliki” kulya. Ena asungile Icebo Cakwe. Pakutita tacile mufungulanya imwe nombu, bushe cilecita? Mucine Mateo 28:19 cali ifyakulumbwilako, te Mashina. [1] Kabili ni cinshi ico ulufungulo lucita? **Lwena lulesula icintu cimo, inkama.** [8]

Petro alikwete ica bumupashi, icine icasokololwa. Ulya e mulandu wine ena aishibile ubupusano pakati kakwa Tata, Mwana, na Mupashi wa Mushilo, ne Shina lyakwa Shikulu Yesu Kristu. **Ena alikwete ubusokololo bwa bumupashi.** Cilya e co muleumfwa muno bushiku, uko Mupashi wa Mushilo aleisula cena kuli ifwe. [6]

Baibele yatile kuli Petro na kubashala abasambi, “Kabiyeni pe sondeponse; nga mwalekelela imembu shabamo, ninshi shalekelelwa kuli bene; nga mwaikasha isha bamo, ni nshi shaikashiwa.” Cilya ningile ukusosa cena filya pakutita umuntu umo e iluka ico ndepilibula; Yesu atile ku basambi, “Nga mwalekelela imembu shabamo, naine nkabelela. Kabili mwaikasha imembu shabamo, no kwikasha shena pali bena, Nka shikasha pali bena na Ine” (Yohane 20:23). Filya e fyo Yesu asosele. Moneni ulukuta lwa Katolika ukukonka kuli cilya. [9]

Bena balisendele cilya no kutwala kuli ba shimapepo wabo, lelo cilya buntunse. Moneni. **Cali ca bumupashi, Icebo icasokololwa icacitile cena.** Ulya e mulandu wine Ena abebele ukuya batisha mwi Shina lyakwa Tata, Mwana, na Mupashi wa Mushilo. **Ena alishibe bena baliishibe ifyo Wene ali.** [5]

Lelo lekeni tusange ifyo bena bacitile cena. **Lyena nga twasanga ifyo bacitile cena, lyena tulingile ukucita cena umusango umo wine.** [9]

Nomba, Petro atile, “Lapileni, onse wa muli imwe, no kubatishiwa mwi Shina lyakwa Yesu Kristu **ku kulekelelwa kwa membu shenu, kabili** mukapokelela icabupe Mupashi wa Mushilo.” Bushe cilya cishinka? Kabili ulya e mulandu wine imfungulo sha pilibwike mu mulu kwi shina limbi ilyashala, inshila imbi iyashala, umusango umbi...Yena yalipilibwike pe sonde, kabili yena yali pilibwike mu mulu; nga te ifyo Yesu tasungile Icebo Cakwe kuli Petro kabili ne ncende shonse muli Baibele babatishiwe ulya musango, bena balibatishiwe mwi Shina lyakwa Yesu Kristu (*Imilimo ya Batumwa 8:16; 10:48*). Kabili balya ababatishiwe kunuma – nga filya abasambi bakwa Yohane (*Imilimo ya Batumwa 19:1-6*)- balya balishile no kubatishiwa cipya cipya nakabili mwi Shina lyakwa Yesu Kristu ukupokelela Mupashi wa Mushilo. [10]

Ilya e nshila yapelwa na Lesa ukulekelela imembu. **Icebo cilalekelela ulubembu pantu Cena ni Lesa. Kabili ici cabupe icalingilwa libela capelwe ku mubili wa Cebo uwaisushiwa no Mupashi.** [11]

Mwamona, **cena cilingile ukwisa ku busokololo bwa bumupashi.** Umubili no mulopa ta fyaebele Abele ukutila Kaini ali lufyenye. Lelo cali busokololo ubo Abele akwete. Cali mulopa (*Ukutendeka 4:3-5*). Cali mulopa, te cisabo, ico icatufumishe mwibala Iya Edeni. Cali mulopa. **Kabili Abele ku busokololo bwa bumupashi casokolwele na Lesa ukutila cali mulopa.** “Kabili ena, ku citetekelo,” Abahebere 11:4 itila, *apele kuli Lesa ilambo ilya wamisha ukucisha lyakwa Kaini.*” Icili Lesa asumine ilambo lyakwe. Mwacimone co. **Ena apele lyena ku citetekelo, ku busokololo.** [1]

Umwakumona:

- [1] Abahebere, Amepusho na Masuko, Part 1”
(57-0925), pg. 237-238, par. 163-177
- [2] “Ukushisha”(62-1111), par. 31
- [3] “Amashina ya Miponto” (62-1104M), pg. 18
- [4] “Bushe Lesa Alitala Ukupilibula Amano Yakwe
Pa Cebo Cakwe” (65-0418E), par. 82
- [5] “Ni Mukutula Kwa Kasuba” (65-0418M), par.
168-171
- [6] “Amepusho Na Masuko” (54-0515), Q-No. 37
pg. 187-189, par. 234-256
- [7] “Icicolwe Abraham” (64-0207), par. 62
- [8] “Umulungu Wa Ino Nshita Ibifi” (65-0801M),
par. 199
- [9] “Abahebere Icipandwa Ca 7 Part 2” (57-0922),
par. 445-447
- [10] “Ubufyashi Bwa Nsoka” (58-0928E), par. 32-
33
- [11] “Icebo Icalandwa E Mbuto Ya Ntendekelo”
(62-0318), pg. 111